



साःगु भिंगु मरिचरिया नितिं लुमका दिसें !

लक्ष्मण गजाल /चिलमि'
प्रोप्राइटर

लाखा छेँ
LAKHA CHHEN

सोहखुटे, वडा नं. १६, येँ, फोन नं.: ४५६०७५८

हेटौडाय् छेँ थुनेज्या दिक्कल सर्वोच्चया आदेश अःखः ५३१ खा छेँ थुन

लहना वाःपौ / हेटौडाय् सडक डिभिजन कार्यालय छेँ थुनेगु ज्या स्थगित याःगु दु । वंगु आइतवाः जक थःपिंत सर्वोच्च अदालत आधिकारिक पौ वःगु धासें तत्कालया नितिं छेँ थुनेगु ज्या स्थगित याःगु दु । हेटौडाय् सडक डिभिजन कार्यालय वंगु शनिवाः सर्वोच्च अदालतया आदेशयात अवज्ञा यासें ५३१ छेँ, टहरा थुनाबिउगु दु । सडक डिभिजन कार्यालय हेटौडा बजारय् च्वंगु छेँ डोजर छ्यलाः थुनाबिउगु खः । थ्व स्वयां न्ह्यः वंगु शुक्रवाः सर्वोच्च अदालत 'तत्कालया नितिं छेँ-टहरा थुनेगु ज्या दिक्की' धकाः सडक डिभिजन कार्यालययात अल्पकालीन आदेश जारी याःगु खः ।

तर जिल्ला प्रशासन कार्यालय व सडक डिभिजन कार्यालय थःपिंत आधिकारिक रुपय् सर्वोच्चया आदेश मवःगु धासें सुथय् न्हापां डोजर छ्यलाः छेँ व टहरा थुनाबिउगु खः । अदालतया आदेश शुक्रवाः हे सञ्चार माध्यमय् व सामाजिक सञ्जालय् सार्वजनिक जगु खः । तर जिल्ला प्रशासन कार्यालय व सडक डिभिजन आधिकारिक पौ



किया साभार :
सामाजिक सञ्जाल

थःपिंथाय् मवःगु धासें डोजर छ्यःगु खः । सर्वोच्च अदालत अल्पकालीन आदेश जारी यायेधुंकाः न आधिकारिक पौ मवःगु नामय् डोजर छ्यलाः राज्य आतंक ब्वलंकूगु द्वपं स्थानीय वासिन्दा बिउगु दु ।

सडक डिभिजन कार्यालय

धाःसा आइतवाः पत्रकार सम्मेलन याःनाः १२:४६ मिनेटय् सर्वोच्चया आदेश ल्हातय् लाःगु धासें सतक विस्तारया ज्या स्थगित याःगु खः । थ्व स्वयां न्ह्यः मकवानपुरया सहायक प्रमुख जिल्ला अधिकारी मोहनराज जोशी अदालतया आदेश सामाजिक

सञ्जालय् वःसां न कार्यान्वयन याइगु निकाय सडक डिभिजन, जिल्ला प्रशासन वा मेगु गुगु कार्यालययात आदेश कार्यान्वयन याः धकाः पौ मवःगु खँ धाःगु खः ।

सर्वोच्च थ्व मुद्दाय् मंसिर २६ गते निगुलिं पक्ष लिसे सहलह यायेगु

ई क्वःछिनातःगु खः । वंगु शुक्रवाः सर्वोच्च अन्तरिम आदेश जारी जुइ वा मजुइ धइगु विषय क्वःमजिउ तले सडक डिभिजन कार्यालय हेटौडाय् मंसिर ५ गतेया सुचं कार्यान्वयन मयासें यथास्थितिइ तयेत आदेश बिउगु खः ।

सडक डिभिजन कार्यालय वंगु मंसिर ५ गते सुचं पिथंसे भिन्त्यान्हुया दुने राजमार्गया हेटौडा रातोमाटे निसें बुद्धचोक जुयाः राप्ती तां तक व त्रिभुवन राजपथया बुद्धचोक निसें सामरी तां तकया सतक सीमा खाली यायेत सुचं जारी याःगु खः ।

डिभिजन सडक कार्यालय सुचं जारी यायेवं पुलांम्ह प्रतिनिधिसभा दुजः विन्दवासिनी कंसाकारं सर्वोच्च अदालतय् रिट तःगु खःसा वंगु शुक्रवाः अदालतया न्यायाधीश मेघराज पोगरेलया एकल इजलास सुचं कार्यान्वयन मयासें यथास्थितिइ तयातयेत आदेश बिउगु खः ।

मेखे सतक विस्तार पीडित अभियानय् न्ह्यानाच्वंम्ह अधिवक्ता जितेन्द्र वज्राचार्य सडक डिभिजन ल्यं ७ पेजय्

नेवाः पत्रकार राष्ट्रिय दबूया न्याक्वःगु तःमुँज्या गोरखाय्



लहना वाःपौ/देय् न्यकंया नेवाः पत्रकारतय्गु मंकाःगु संगठन नेवाः पत्रकार राष्ट्रिय दबूया न्याक्वःगु तःमुँज्या थ्व हे वइगु ने.सं. ११४६ चौलागा दुतिया सनिवाः (चेत्र २१ गते शनिवार) याइगु जूगु दु ।

वंगु शनिवाः धादिइया जिवनपुरय् च्वंगु पत्रकार दबूया न्याक्वःगु केन्द्रीय समितिया मुँज्या उगु कथं निर्णय याःगु खः ।

पत्रकार दबूया केन्द्रीय

नायः नृपेन्द्रलाल श्रेष्ठया नायःसुइ सल्लाहकारपिं भाषा आयोगया दुजः सुरेश किरण मानन्धर, अधिवक्ता किरण शाक्य व पुस्करभक्त माथेमा तर्क उपस्थित जुयादीगु उगु मुँज्या तःमुँज्या याये न्ह्यः जिल्ला व प्रदेशया अधिवेशन यायेगु धकाः न क्वःछिउगु दु ।

अधिवेशनया इवलय् निर्वाचन यायेगु नितिं अधिवक्ता किरण शाक्यया

ल्यं ७ पेजय्



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur-17

- ★ Banner, Flex Board
- ★ Glow Sign Board
- ★ Sticker Cutting / Printing
- ★ Screen/ Rubber Print
- ★ Self-ink/ Rubber Stamp
- ★ PVC(ID)/ Visiting Card
- & all kinds of press works

4335491, b.arts4335491@hotmail.com



नेवा: राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्ध्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वॉय् थ्व हे खः ज्यान भी सकस्यां छगू
जातितय् स्वायत्त राज्यं लुइ कपं च्वय् भिलिभिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



लोकतन्त्रया प्राणबायु निर्वाचन

निर्वाचनयात लोकतन्त्रया 'प्राणबायु' धकाः धायेगु याइ। थुकिइ लोकतन्त्रयात उपहास मयायेगु खःसा निर्वाचनयात स्वच्छ, निष्पक्ष व विश्वसनीय दयेकेमाः। नेपालय् निर्वाचनया इलय् सरकारी साधनस्रोत व पदीय शक्तिया दुरुपयोग जुइगु कारण निर्वाचनया स्वच्छताय् न्ह्याबलै तःधंगु न्ह्यसः ब्वलेनीगु याइ। संसदीय शासन प्रणाली चुनाव घोषणा जुइ धुंकाः मन्त्रीतय्गु पद कायम जुयाच्चनिइगु व निर्वाचनय् ब्वति काइगु जूगुलि पदया दुरुपयोग जुइगु अस्वाभाविक मखु। वइगु निर्वाचन गैरराजनीतिक नागरिक सरकार याइगु जूगुलि निर्वाचनय् राज्यं पद व साधनस्रोतया दुरुपयोग याइमखु धकाः धायेगु याःगु खः। तर अथै खःसां नं अन्तरिम सरकारया छु मन्त्रीत निर्वाचन केन्द्रित ज्याभूवल्य् अप्वः सक्रिय जुयाच्चंगु दु। सुशासनया माग जुयाच्चंगुली आन्दोलन लिपा नियुक्त जूपि मन्त्रीतय्सं राज्यया साधनस्रोत व पद थःगु व थःगु दलया पक्षय् छ्यलेत स्वयेगु धाःसा पक्का न बालागु संकेत मखु।

निर्वाचन आयोगं निर्वाचन आचारसंहिता जारी याइ। अथे तं सुशासनया नितिं बलिदानपूर्ण आन्दोलन व देशय् बिचाः मयाथें जूगु विध्वंस लिपा आन्दोलनकारीतय्सं निर्वाचन स्वच्छ व निष्पक्ष यायेगुली गुलि तक ध्यान बिइ। अन्तरिम सरकार मूलतः चुनावी सरकार जूगुलि मन्त्रीतय्गु राजनीतिक महत्वाकांक्षा व क्रियाकलाप स्वाभाविक जुयाच्चंगु मदु। निर्वाचन नाप सुशासनया भाला क्वबिइ माःगु जूगुलि अन्तरिम सरकारया मन्त्रीतय्गु ला अभ्र तःधंगु नैतिक आचरण जुइमाः। अथे जूगुलि थुगु सरकारया मू दायित्व हे देशय् शान्तिपूर्ण व निष्पक्ष निर्वाचन क्वचायेकेगुलि निर्वाचन आयोगयात ग्वहालि यायेमाः। थुकिइ उमिगु दल विशेषया पक्षय् थीथी गतिविधिइ ब्वति कायेगु इलय् जिम्मेवारी व नैतिकताय् न्ह्यसः दनेफु। अन्तरिम सरकारया मन्त्रीतय्सं राजनीतिक भूमिकाय् मखु निर्वाचन क्वचायेकेगुलि ग्वहालि जुइगु कथं संयन्त्रय् ग्वहालि यायेमाः। अथे हे उमिसं निर्वाचन आचारसंहिताया बालाकं पालना यानाः बालाकं नैतिकता न्ह्यब्वयैमाः। थुगु सरकारया मन्त्रीतय्सं निर्वाचन निष्पक्ष यायेत बालाकं नैतिक आचरण क्यनेफत धाःसा लिपा वइगु सरकारया नितिं न उदाहरण जुइफु। निर्वाचनय् छु न दल वा उम्मेदवारया पक्षय् मन्त्रीपिंसं ज्यायात धाःसा राज्यकोषया दुरुपयोग जुइफु, उकिइ प्रतिस्पर्धाया मैदानय् हे असन्तुलित जुइ। मेखें राज्यया पद व शक्ति दुपि मन्तय्गु चुनाव जुइसा मेखे छुं नं पहुँच मदुपि मन्तय्गुसं प्रतिस्पर्धा यायेमाः। अथे जूगुलि मन्त्रीतय्सं छुं नं पार्टीया प्रचार प्रसार यायेगु लोकतान्त्रिकया अःखः जुइ। प्रधानमन्त्री सुशीला कार्की न्हापा हे थःगु सरकारय् च्वपि सूनं मन्त्रीतय्सं फागुन २१ गते निर्वाचनय् ब्वति काइमखु धकाः घोषणा याःगु खः। उम्मेदवार मजुइगु धइगु निर्वाचनय् राजनीतिइ दुमथ्याइगु कथं काःगु खः। मेगु कथं स्वयेगु खःसा दक्व नेपाःया नागरिकतय् निर्वाचनय् उम्मेदवारी बिइगु निसं राजनीतिक दल चायैकेगु व दलगत गतिविधिइ संलग्न जुइगु अधिकार नेपाःया संविधानं हे बिउगु दु। अथे धइगु सुयात नं निषेध याये फइ मखु। उकिइ थथे विवादं तःधंगु रुपय् मकासं दथुया लै ल्ययैमाः। अथे हे दलगत चुनावी राजनीतिइ न्ह्याःवनेगु खःसा अन्तरिम सरकारया मन्त्रीतय्सं पद त्वःताः मैदानय् कुहां वयेमाः। मन्त्री पद मत्वःतैगु खःसा दलगत राजनीतिक क्रियाकलापय् जुइ मज्यु।

निर्वाचनया विकल्प मदु



दिलिप शाही “शान्तिज्जु”

जेनजी आन्दोलन लिपा नीस्वंगु अन्तरिम सरकारं घोषणा याःगु निर्वाचनया ई स्वला पूर्वक मदये धुंकल। निर्वाचनया नितिं निर्वाचन आयोगं थीथी कथंया तयारीया लिसे समानुपातिक प्रणालीइ ब्वति काइपिं राजनीतिक दल व प्रतिनिधिया नां दर्ता यायेत आह्वान नं यायेधुंकूगु अवस्था दु। छखे सरकारं नं निर्वाचनया नितिं धकाः राजनीतिक पार्टीया लिसे सुरक्षा निकाय लिसे नं घनिभूत सहलह यानाच्चंगु अवस्था दु।

थीथी राजनीतिक दलतय्सं निर्वाचन आयोगय् वनाः दल दर्ता यायेवं निर्वाचनया वातावरण बने जुइ धकाः विश्वास सरकारं याःगु दु। तर थुकिया दथुइ एमालें वर्तमान सरकार गठन असंवैधानिक धासं मुद्दा तःगु खः। अथे ला एमालें कांग्रेस लिसे जानाः मुद्दा तयेगु तयारी याःगु खः। तर नेपाली कांग्रेसया केन्द्रीय कमिटीया बैठकं संसद पुनर्स्थापनाया मुद्दायात चीकाः निर्वाचनय् वनेगु निर्णय याःगु खः। उगु इलय् विशेष यानाः नेपाली कांग्रेसया सभापति शेरबहादुर देउवा कांग्रेसया बैठकय् वये मफयाच्चंगु खः।

अन्तरिम सरकार नीस्वंगु स्वला लिपा कांग्रेसं नं प्रतिनिधिसभा पुनर्स्थापना यायेमाःगु माग यासं वंगु शुक्रवाः सर्वोच्च अदालतय् मुद्दा दर्ता याःगु दु। विशेष यानाः नेपाली कांग्रेसया सभापति शेरबहादुर देउवा व एमालेया अध्यक्ष केपी शर्मा दथुइ नापलायेगु ज्या जुइधुंकाः कांग्रेसपाखे मुद्दा तःगुली यानाः थीथी कथंया आशंका ब्वलनाच्चंगु दु। विशेषतः एमाले अध्यक्ष ओली यदि संसद पुनर्स्थापना जुल धाःसा कांग्रेस सभापति देउवायात हे प्रधानमन्त्रीया प्रस्ताव तःगुली मुद्दा तःगु आशंका ब्याप्त जुयाच्चंगु दु। थ्व स्वयां न्ह्यः कांग्रेसं ताजा जनादेश कायेमाःगु धासं प्रतिनिधिसभा पुनर्स्थापना मखुसं निर्वाचनय् वनेगु निर्णय याःगु खः।

नेपाली कांग्रेसं सर्वोच्च अदालतय् मुद्दा तयेवं उकियात कयाः नेपाली कांग्रेस दुने नं विवाद ब्वलंगु दु। नेपाली कांग्रेसया आपालं धयाथें नेतातय्सं मुद्दा तयेगु नितिं कांग्रेस केन्द्रीय समितिया बैठकय् सहलह मज्जु धासं थःपिनिगु लाइन धइगु निर्वाचन हे खः धकाः धयाच्चंगु दुसा मेखे छुं छुं सांसदतय्सं धाःसा संवैधानिक परीक्षण यायेमाःगु धासं मुद्दा तयेगु ज्या जूगु खँ धायेगु यानाच्चंगु खः। तर थन मू खँ छु धायेबलय् वर्तमान सरकार छु

गज्याःगु हालतय् नीस्वंगु खः धइगु खँय् राजनीतिक पार्टीतय्सं ध्यान बिया मच्चं थें च्वनाच्चंगु दु। वर्तमान सरकार नीस्वंगु मूल कारण धइगु वर्तमान राजनीतिक पार्टीतय् असक्षमता हे खः धकाः धायेत लिफः स्वयेमाःगु आवश्यकता मदु।

वर्तमान राजनीतिक पार्टीया कारणं देशय् भ्रष्टाचार अप्वया वंगु धासं जेनजी पुस्ताया ल्याय्महतय्सं विरोध ज्याइवः याःगु खः। उगु विरोध ज्याइवल्य् आपालं ल्याय्महतय् ज्यान वनेवं आन्दोलनं उग्र रुप काःगु जक मखु देय्या हे प्रमुख प्रशासनिक ज्याकुथी तकं मिं तयेगुया लिसे थीथी राजनीतिक नेतातय् छैय् तकं च्याकेगु ज्या जूगु खः। अभ्र धायेगु खःसा तत्कालीन



प्रधानमन्त्री लिसे नेकपा एमालेया अध्यक्ष केपी शर्मा ओली प्रधानमन्त्री क्वाटरं बिसिउँ वनेमाःगु अवस्था वःगु खः। उकिया मू कारण धइगु हे केपी शर्मा ओली प्रधानमन्त्री जुयाच्चंगु इलय् जूगु भ्रष्टाचार खः।

थ्व खँयात एमालेया नेता कार्यकर्तातय्सं गुबलें स्वीकार मयाः व आः तक नं स्वीकार यानाच्चंगु मदु। थुकिया मू कारण धइगु एमालेया अध्यक्ष केपी शर्मा ओलीयाके दुगु अहंमता हे खः धकाः धायेत लिफः स्वयेमाःगु मदु। अले वर्तमान राजनीतिक पार्टीतय्सं राजनीतिक निकास बी फइगु खँ धयाच्चंगु दु। तर बी फयाच्चंगु धाःसा मदु। अथे ला नेपाःया फुक्कं धयाथें राजनीतिक पार्टीतय्सं स्थिर सरकार नीस्वनेगु धाःसां नं फयाच्चंगु मदु। अभ्र बहुमत दुगु सरकार तकं तिके मजुयाच्चंगु अवस्थाय् राजनीतिक पार्टीतय् विश्वास यायेगु आधार तकं तंकेधुंकूगु अवस्था धइगु हे जेनजी आन्दोलन खः।

नेपाःया कांग्रेस व एमाले बाहेक फुक्कं धयाथें राजनीतिक पार्टीतय्सं निर्वाचनय् वनेगु निर्णय यायेधुंकूगु अवस्था खः। अले नेपाःया बुद्धिजीवी लिसे थीथी व्यक्तितय्सं तकं आःया राजनीतिक निकास धइगु न्ह्यु निर्वाचन हे खः धकाः धयाच्चंगु इलय् निगू पार्टी संसद पुनर्स्थापनाया बहस यायेगु धइगु हाकनं जनतायात भंग लायेगु ज्या जक जुइ।

हरेक आन्दोलन लिपा न्ह्यु राजनीतिक डिस्कोर्स शुरु जुइ। आः नं जेनजी आन्दोलन लिपा न्ह्यु राजनीतिक डिस्कोर्स शुरु यायेमाःगु अवस्था खः। यदि इलय् न्ह्यु राजनीतिक डिस्कोर्स शुरु मजुल धाःसा थुकिं देय्यात

दीर्घकालीन लिच्चः लाइ धइगु स्पष्ट दु। आःया स्पष्ट जनादेश धइगु न्ह्यु राजनीतिक निकासया नितिं निर्वाचन हे खः। यदि आः निर्वाचन मजुसं हाकनं संसद पुनर्स्थापन यातधाःसा जेनजी आन्दोलन हाकनं मेगु कथं न्ह्याइगु सम्भावना दु। वर्तमान अवस्थाय् जेनजी आन्दोलनया कारणं देय् डाँवाडोल जुयाच्चंगु दु। यदि संसद पुनर्स्थापना जुयाः हाकनं मेगु कथंया आन्दोलन न्ह्यात धाःसा थुकिं देय्यात गुखेपाखे यंकी धइगु धाये फइगु अवस्था मदु। थौं जेनजी आन्दोलन लिपा व्यापारीत लगानी यायेत लिचिलाच्चंगु दु। व्यापारीत थौं वयाः निर्वाचन ई तक पियाः जक लगानी यायेगु बारे सोचे यानाच्चंगु दु। यदि निर्वाचन मजुइगु

अवस्थाय् वा संसद पुनर्स्थापना जुयाः आन्दोलन जुल धाःसा व्यापारीत नेपालं पलायन जुइ मालीगु अवस्था वयेफु। थुखेपाखे राजनीतिक पार्टीतय्सं ध्यान बियाच्चंगु खनेमदु। छगू ला अथे नं नेपालय् व्यापार व्यवसाय यायेगु उचित वातावरण मदयाच्चंगु अवस्था हाकनं आन्दोलनया कारणं व्यापारीत पलायन जुल धाःसा थुकिं तःधंगु लिच्चः लाकेफइगु खँय् राजनीतिक पार्टीतय्सं ध्यान बीमाःगु आवश्यकता दु। नेपाः म्हो जक रोजगारी दुगु मुलुक खः। अले नेपाःमितय् रोजगारी बियाच्चपिं व्यापारीत हे पलायन जुल धाःसा नेपाःया अवस्था अभ्र भयावह जुइगु सम्भावना अप्वः दु। अथेजुयाः आःया विकल्प धइगु निर्वाचन जक हे खः। निर्वाचनं हे न्ह्यु लँपु क्यनी धइगु खँय् राजनीतिक पार्टीतय्सं विश्वास यायेमाःगु अवस्था दु। अले राजनीतिक पार्टीतय् दायित्व धइगु नं निर्वाचनय् वनाः जनताय् थःगु विश्वास कायम यायेगु खः।

तर राजनीतिक पार्टीतय्के थज्याःगु विश्वास ब्वलनाच्चंगु मदु। थुकिया मू कारण धइगु राजनीतिक पार्टीतय्सं देय् न्ह्याकेगु इवल्य् याःगु बेथिति हे खः। अले उकियात भिकेगु ज्या धइगु निर्वाचन हे खः धइगु खँय् राजनीतिक पार्टीतय्सं थुइकेमाःगु थौंया आवश्यकता खः। थःगु गुमे जुयाः वनाच्चंगु साख कायम यायेगु खःसां नं राजनीतिक पार्टीत जनताया दथुइ वनेमाः। मेगु गुगुं नं कथंया विकल्प धइगु देय्यात अभ्र अराजकताय् यंकेगु बाहेक मेता जुइ मखु। थ्व खँय् फुक्कं राजनीतिक पार्टीतय्सं ध्यान बीमाःगु जक मखु आः वइगु निर्वाचनयात फयां फाछि क्वचायेकेगु हे खः। निर्वाचनया मेगु गुगुं नं कथंया विकल्प मदु।





लहना वा:पौ/इखाछै त्वा:या सांस्कृतिक सम्पदा नृत्यब्वयेगु व अनया प्रतिभा पिब्वयेगु तातुनां खसा:ख:गु न्हापांगु इखाछै सांस्कृतिक महोत्सव शनिवा: त:जिक क्वचाल। बिहीवा: यल मनपाया उपप्रमुख मञ्जली शाक्यया मूपाहाँसुइ उलेज्या जूगु महोत्सवय् थीथी सांस्कृतिक नृत्यब्वयालिसें स्थानीय व्यक्तित्वपिन्त हनेज्या या:गु ख:।

ज्याइवल्य् सांस्कृतिक फेशन शो, धिमे प्याखं, थीथी अर्केष्ट्रा व ब्याण्डया प्रस्तुति दुगु ख:। थुकथं हे महोत्सवय् नेवा: नसाज्वलंथा स्टललिसें बुसानिसें मदये धुंका:तकया संस्कारय् मा:गु हलंज्वलं, नेवा: तिसा वस:, हस्तकला ज्वलं, मन्द: प्रदर्शन या:गु ख:।

इखाछै टोल सुधार समितिना नाय: सानु राज बज्राचार्यया नाय:सुइ जूगु ज्याइव: यल जिल्ला प्रहरी परिसरया प्रमुख एसएसपी होविन्द्र बोगटीया मूपाहाँसुइ समापन या:गु ख:।



अवतार ३ प्रिमियर

सिगोर्नी वीभर नाप मेमेपि कलाकारं हल्लिउडया डल्बी थिएटरय् जूगु ज्याभूवल्य रेड कार्पेटय् न्यासि वःगु खः ।

‘अवतार’ : फायर

एजेन्सी/ ताः इल्लिनसं पियाच्वंगु हल्लिउड फिल्म ‘अवतार ३’ विश्व प्रिमियर जूगु दु ।

सन् २००९ य् थुगु फिल्मया शीर्षक खः, अवतार : फायर एन्ड एस ! जेम्स क्यामरुन निर्देशन याःगु थुगु सकिपा ४ पुस (१९ डिसेम्बर, २०२६) य् हल्लियकं प्रदर्शन यायेगु तयारीइ दु । ‘अवतार’ या न्हापागु निगुगू श्रृंखला विश्व बक्स अफिसय् सर्वकालीन यक्को ध्यवा कमेयाःगु न्यागु उत्कृष्ट धलखय् लागु खः ।

सन् २००९ या ‘अवतार’ न २.९२ बिलियन डलर कमे याःगु खः । निगुगु श्रृंखला ‘अवतार : द वे अफ वाटर’ २.३४ बिलियन डलर कमे याना दकल्य् अप्वः कमे यायेगुलि स्वंगुगु थासय् दु ।

‘अवतार’ नं विश्व फिल्ममा डिजिटल क्रान्ति हःगु खः ।

‘अवतार’ नेपालय् प्रदर्शन जूगु दकल्य् न्हापागु श्रीडी फिल्म खः । क्यामरुन नाप फिल्मया कलाकारय् साम वर्थिगटन, जो सालदाना व

एण्ड एस’ न ज्वालामुखीइ च्वनिइपि नावी जनजाति एश पिपल वा माङ्गवान नं धायेगु याइ, वयागु म्हासिका बिइत पाण्डोराया थाकूगु वातावरणय् यंकी । थुगु फिल्मं फ्रान्चाइजीया स्पष्ट नैतिक रेखायात चुनौती बिइगु तयारी दु । प्रिमियर समारोहय् मेमेपि ब्बतिकाइपि स्टीफन लाड, उना च्याप्लिन, क्लिफ कर्टिस, जोएल डेभिड मूर, ब्रिटेन डाल्टन, ट्रिनिटी जो-ली ब्लिस, ज्याक च्याम्पियन, बेली बास, एडी फाल्को, माइली साइरसपिन्स ब्बति काइ ।

अभिनेत्री सन्नी लियोनीपाखे चितवन हात्ती महोत्सवया विरोध

एजेन्सी / बलिउड अभिनेत्री सन्नी लियोनी चितवन हात्ती महोत्सवय् जुइगु क्रुरतायात क्वचाकेत इनाप याःगु दु । पशु हितया ख्यलय् ज्या याइगु संस्था पेटा एसियापाखे लियोनी थज्याःगु कृतः क्वचायेमाः धकाः धाःगु खः ।

पेटा एसियानाप ताःई तक ज्या यानाच्चमह अभिनेत्री

धाःगु दु, ‘चितवन हात्ती महोत्सव ज्या जूगुलि लय्ताय् माःगु छुं कारण मदु । छाया धाःसा थुकिया नितीं किसीयात दायां यक्को कसाः बिइगु याइ ।’ थज्याःगु ज्याभूव दिकेत अभिनेत्री लियोनी इनाप याःगु खः । ‘नेपालय् थज्यागु ज्याभूवलं दर्शकतय् मनोरञ्जन बिइगु उद्देश्यं किसीयात अस्वभाविक क्रियाकलाप यायेत बाध्यं यायेगु कुतःयात क्वचायैकेमाः ।’



लियोनीया उगु धापूयात पेटा एसिया नं थःगु सामाजिक सञ्जालपाखे सेयर याःगु दु ।

‘बलिउड स्टार सन्नी लियोनी चितवन हात्ती महोत्सवय् जुइगु क्रुरताया अन्त्य यायेत इनाप याःगु दुसा थज्याःगु ज्याभूवः दक्क मिले जूयाः चितवन हात्ती महोत्सवयात करुणा, शिक्षा व विस्मयया उत्सवय् हिलेनु’ पेटा एसिया च्वंगु दु ।

सामन्था व राजया इहिपाः

एजेन्सी/ दक्षिण भारतीय अभिनेत्री सामन्था रथ प्रभु व निर्देशक राज निदिमोरं इहिपा याःगु दु । इहिपाया जानकारी निम्हेस्यां स्ट्याग्रामपाखे जानकारी ब्यूगु खः ।

इहिपा ज्याभूवः ईशा योग केन्द्र दुने लिंग भैरवी छः थाय् जूगु खः । इहिपा ज्याभूवल्य ३० म्हेसिया जक ब्बति दुगु खः ।

आइतवाः चान्दयः तक इहिपाया छुं नं तयारी मदुगु खः ।

राजया न्हापाम्ह जहान श्यामली डे नं थःगु इन्स्टाग्राम स्टोरीइ ‘हथाय् चाइगु इलय् मनूखं हताश ज्या याइ’ धकाः अभिव्यक्ति नाप स्टारस पोस्ट याःगुलि अप्वसिया अजू चाःगु खः । सन् २०२४ या सुरुइ राज व सामन्था सतिउगु चर्चा जूगु खः ।

दक्खि न्हयः, सामन्था सामाजिक सञ्जालय् राजनाप किपाः तःगु खः । सामन्था न्हापांगु इहिपा अभिनेता नागा चैतन्यनाप याःगु खः ।

वया प्यदै लिलाप अलग जूगु खःसा नागा चैतन्य अभिनेत्री शोभिता धुलिपाला नाप इहिपा याःगु खः ।



एमटिभीया यात्रा क्वचाल

एजेन्सी/ ‘भिडियो किल्ड द रेडियो स्टार’ नाम सांगीतिक भिडियो प्रसारण याना वयाच्वंगु एमटिभी सन् १९८१ य् संगीत व पप संस्कृतिया न्ह्युगु युगया सुरुवात याःगु खः । प्यंगू दशक स्वयां अप्वः ईलिपा अमेरिकाया मिडिया दिग्गज प्यारामाउन्ट स्काइडान्सया स्वामित्व दुगु थुगु च्यानल अनलाइन स्ट्रिमिङ व सामाजिक सञ्जालनाप प्रतिस्पर्धा यायेत संघर्ष यानाच्वंगु इलय् सन् २०२५ या लिपागु इलय् थःगु अन्तर्राष्ट्रिय संगीत प्रसारण बन्द याइगु जूगु दु ।

प्यारामाउन्टया स्रोतया एएफपीयात धाःगु कथं वइगु महिनाय् बेलायत व मेमेगु युरोपेली देशय् एमटीभी म्युजिक, एमटीभी हिट्स व थुकिया ८० व ९० या दशक याःगु संगीत ज्याभूवः बन्द जुइ । थुगु संगीत च्यानलया प्रसारण थुगु दै क्वचाइगु इलय् फ्रान्स, जर्मनी, पोल्याण्ड, अष्ट्रेलिया व ब्राजिलय् नं बन्द जुइ ।

थुकियात निराश प्रशंसक व एमटिभीया पूर्वाभिडियो जकीतय्सं ‘छगू युगया अन्त्य’ धका घोषणा याःगु दु । भिडियो धकाः म्हासिउगु लोकप्रिय संगीत प्रस्तुतकर्ता जो नेटवर्कया लोकप्रियताया चक्काय् लाखौं स्ट्रिमय् खने दइ । युट्युब व टिकटक थे डिजिटल स्ट्रिमिङ प्लेटफर्मया वयैवं ‘संगीत व किपानाप जिमिगु संलग्नतायात बालाकं हाकनं आकार बिउगु दु’ लोकप्रिय संस्कृतिया अनुसन्धानकर्ता एएफपीलयात धाःगु दु ।

सन् १९९० या दशकय् एमटिभी युरोपय् नृत्य संगीत ज्याभूवःया निर्देशन व निर्माण याइम्ह जेम्स हाइमन इन्टरनेट सर्वव्यापी जुइ न्हयः हे न्हापा हे नेटवर्क पुलां जूगु धकाः सहमत जुइ न्हयः सन् १९८४ य् न्हापां हे एमटिभी भिडियो म्युजिक अवार्डय् माइकल ज्याक्सनया “थ्रिलर” म्युजिक भिडियोया प्रिमियर व म्याडोनाया “लाइक अ भर्जिन” प्रस्तुति याःगु खः ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

हरेक मंगलवाः

राष्ट्रियताको लागि समर्पित



मेरो साप्ताहिक

मेरो साप्ताहिक

Mero Saptahik

माला: माला: ब्वनादिसँ ।

ख्वपय् योमरी महोत्सव



लहना वाःपौ/ ख्वपय् योमरी उत्सव व नसात्वँसा महोत्सव क्वचाल । ख्वप नगरपालिकां वंगु शनिबाः योमरी उत्सव, नसात्वँसा महोत्सव, स्थानीय उत्पादनया प्रदर्शनी नापं सांस्कृतिक ज्याइवः याःगु खः ।

ख्वपया सूर्यमढीइ नगरप्रमुख सुनिल प्रजापतिं थीथी सवाःया योमरीया नापनापं सांस्कृतिक च्यालीं

नगरया थीथी लागाय् चाः हिलाः दत्तात्रय् थ्यंकाः महोत्सवय् हिउगु खः । नेपाल मजदुर किसान पार्टीया नायः नारायणमान बिजुक्छैं उलेज्या यानादीगु महोत्सवय् स्थानीय नसा त्वँसाया सवाः कायेत स्वदेशी लिसें विदेशी पर्यटकत तःल्याखय् थ्यंगु खः ।

ज्याइवलय् नायः बिजुक्छैं नं ख्वप नगरपालिका थःथम्हं

हे ऐतिहासिक, सांस्कृतिक व धार्मिक महत्व क्वबिनाः च्वंगु नगर जूगु धयादिसें थनया इतिहास, सम्पदा, सांस्कृतिक प्याखँलिसें नं पर्यटकयात साला कयाच्चंगु धयादिल ।

नगरप्रमुख प्रजापतिं कला, तजिलजि, सम्पदा व थीथी सवाःयात स्वानाः पर्यटकतय्त साला कायेत नगरपालिकां थुजाःगु ज्याइवः ग्वसाः ग्वयाःगु धयादिल ।

थुकीं स्थानीयतयगु सवाः, कला, तजिलजिया म्हसिका अप्वःयेकेत व व्यावसायिक कथं थनया नसाँ त्वँसाया प्रवर्द्धनय् तिवः दइगु खँ वय्कलं कनादिल । महोत्सवय् ब्वति कायेत स्वनिगःया थीथी थाय्था नापनापंया आन्तरिक पर्यटकत म्वःम्वः थ्यंगु खः ।

नगरपालिकां दत्तात्रयलिसें थाय् थासय् योमरी ब्वज्या, सल्ला गणेश, क्वाठण्डौं, सूर्यमढी, जेलाँ लिसेंया थासय् नसात्वँसा महोत्सव व स्थानीय उत्पादनया प्रदर्शनी नापं याःगु खः ।

नेपालभाषा, नेवाः कासा व नेवाः हुलाप्याखं स्यनेज्या

लहना वाःपौ/यल महानगरपालिका १२ वडाया आर्थिक ग्वाहालिं यल अध्ययन केन्द्रया ग्वसालय् नेपालभाषा स्यनामिपिनिगु सक्रियताय् यलया आदर्श कन्या निकेतक मा.वि.इ नेपालभाषा, नेवाः कासा, नेवाः हुलाप्याखं स्यनेज्याया हेरिटेड अडिटोरिनय् उलेज्या जुल ।

मंसिर २२ गतेनिसें न्ह्याःगु तालिक स्वलातक न्हियान्हिथं सनिलया ५:३०-६:३० ता ईतक जुइगु व सामुदायिक ब्वनेकुथिइ ब्वंकादिपिं स्यनामिपिंस स्थानीय मचातय्त नं स्थानीय भाषा, संस्कृति, कासा, प्याखंया शिक्षा बी माः धका थ्व ज्या न्ह्याकागु जानकारी बियादिल । ज्याइवलय् मूपाहाँ यल महानगरपालिका १२ वडाया



कार्यबाहक अध्यक्ष सानु अवाले, पाहाँकथं वडा सदस्य सरिता महर्जन, जीवन वैद्य, मंगल टोल सुधार समितिा नायः किरणमान प्रधान, आदर्श कन्यानिकेतन मा.वि. प्र.अ. शैलेश शिखा बी माः धका थ्व ज्या न्ह्याकागु जानकारी बियादिल । ज्याइवलय् मूपाहाँ यल महानगरपालिका १२ वडाया

स्यनेज्याया उलेज्यायासैं मूपाहाँ यल मनपा १२ वडाया कार्यबाहक अध्यक्ष अवाले स्यनेज्या सुथां लाय्मा धका मनतुनादिल । उलेज्या ग्वसाखलःया दुजः नापं नेपालभाषा स्यनामि गंगा बज्राचार्य ज्याइवः न्ह्याकादीगु खःसा सभापति ग्वसाखलःया नायः तुलसीलाल सिंहं यानादीगु खः ।

विद्यां त्वःतल उज्यालो नेपाल



लहना वाःपौ/ सतक बिस्तारयात कयाः विद्या श्रेष्ठं उज्यालो नेपाल पार्टी त्वःतल । सडक डिभिजन कार्यालय हेटौंडां वंगु शनिवाः सुर्थनिसे हेटौंडा उपमहानगरया मू बजाः क्षेत्रय् सतक विस्तारया ज्या न्ह्याकूगु खः । तःधंगु त्याखय् सुरक्षाकर्मी परिचालन यानाः सडक डिभिजन हेटौंडां सतक सीमाया केन्द्र रेखापाखें जवं ७५ खवं ७५ फिट दुने चिं तयेधुंकूगु छँ व संरचनात थुनाब्यूगु खः ।

महेन्द्र राजमार्गया रातोमते बुद्धचोकनिसें राप्तीपुल तक व त्रिभुवन राजमार्गया बुद्धचोकनिसें समरीपुल तक ८.५ किलोमिटरया सतक विस्तार यायेगु ज्या न्ह्याकूगु खः । सर्वोच्च

अदालतं वंगु शुक्रवा जक हेटौंडाय् सतक विस्तार सम्बन्धी सुचं कार्यान्वयन मयायेत अल्पकालीन अन्तरिम आदेश जारी याःगु खः । पुलांम्ह सांसद विन्दबासिनी कंसाकारं दर्ता याःगु रिटय् अदालतया न्यायाधीश मेघराज पोखरेलया एकल इजलासं सतक डिभिजन ज्याकुथि हेटौंडाया नामय् आदेश जारी यासैं यथास्थिति कायम यायेत व सतक विस्तारया सुचं कार्यान्वयन मयायेत आदेश बिउगु खः ।

सडक डिभिजन कार्यालयं थःपिंत सुचं मथ्यंगु धासैं शुक्रवाः बहनी हे छगू सुचं जारी याःगु खःसा सतक विस्तार मदिकेगु धासैं सतक विस्तारया ज्यायात निरन्तरता बिउगु खः । अथे हे सडक डिभिजन कार्यालयं जनताया छँ बिना मुआब्जा आतकं न्यंकाः कायेत्यंगु व सर्वोच्च अदालतं हेटौंडाय् सतक विस्तार तत्काल कार्यान्वयन यायेमते धकाः ब्यूगु आदेश सरकारं पालना मयाःगु धासैं सतराढ दल उज्यालो नेपाल पार्टीया केन्द्रीय दुजः बिद्या श्रेष्ठं उगु पार्टीपाखें राजीनामा ब्यूगु खः ।

श्रीजनमान श्रेष्ठया अबु मन्त



लहना वाःपौ/नेवाः न्ह्यलुवा नाप न्हूदैं राष्ट्रिय समारोह सचिवालय दुजः व नेवाः देय् दबू यैं जिल्लाया बरिष्ठ उपाध्यक्ष श्रीजनमान श्रेष्ठया अबु मुकुन्द श्रेष्ठ सोमवाः सुथय् ३:४५ य् आकाभाकां मन्त ।

बीर अस्पतालय् वासः याकेगु इवल्य् वय्कः ६९ दैय् मदुगु खः । वय्कःया अन्त्येष्टि सोमवाः हे पशुपतिइ जूगु दु ।

मदुम्ह मुकुन्द श्रेष्ठया जहानलिसें छम्ह काय् व छम्ह म्हाय् दिइ ।

सफू विमोचन व विमर्श क्वचाल



लहना वाःपौ/ नेपाल म्रष्टा समाजया ग्वसालय् “चित्रमय चाडपर्वहरुको देश : नेपाल” सफू विमोचन व विमर्श ज्याइवः क्वचाल । समाजया अध्यक्ष श्रीओम रोदन श्रेष्ठया सभापतित्वय् जूगु ज्याइवलय् विमोचन जूगु सफूयात कयाः वरिष्ठ साहित्यकार सितल गिरी व इतिहासविद् डा. पुरुषोत्तम लोचन श्रेष्ठं समीक्षात्मक टिप्पणी यानादीगु खः । सफूया बारे समिक्षा यासैं समालोचक गिरीं विमोचन जूगु सफू नेपाल मण्डलया संस्कृति थुइकेगु निंतिं तसकं उपयोगी जुइगु खँ कनादिल । वय्कलं नेपाल मण्डलं पिहां वःपिं नेवाःतय् भाय्, संस्कृति व नखः चखःया स्वाःगु धासैं च्वमिं सफुतिइ लोप जुयाः वनाच्चंगु धार्मिक संस्कृतिया बारेय् न्ह्यथनातःगु खँ

धयादिल । उकथं हे मेम्ह समीक्षक डा. श्रेष्ठं सफूतिं नेपाल मण्डलया संस्कृति विषयसं केन्द्रीत जुयाः च्वयातःगु सफू संस्कृति विश्वकोष जूगु खँ धयादिल । सफुतिइ दुथ्याःगु १०७ पु च्वसु जानकारी मूलक व न्हूगु ज्ञानया स्रोत जूगु खँ धयादिल । वय्कलं इतिहास, संस्कृति व पुरातत्वया अध्ययन याइपिनिगु निंतिं थुगु सफू अनिवार्य ब्वनैमाःगु खँ धयादिल ।

सफूया च्वमि प्रेममान डंगोलं सफू च्वयेगु ईझा खँ न्ह्यथंनै नेपाल मण्डलय् हनीगु थीथी जात्रापर्व तसकं न्ह्यइपुगु व उकियात लुमंकैबलय् सकिपाः स्वये थें जुइगुलिं सफूया नां ‘चित्रमय चाडपर्वको देश : नेपाल’ तयागु खँ धयादिल ।

हेटौंडाय्....

कार्यालयं यकःति रुपं छँ थुनेगु ज्या याःगु द्वपं बियादीगु दु । वय्कलं बियादीगु जानकारी कथं शुक्रवाः सर्वोच्च अदालतं अल्पकालीन आदेश जारी यायेधुंकाः स्थानीय जनतां सडक डिभिजन कार्यालय आदेश पौ ज्वनाः वंगु खःसां नं डिभिजन कार्यालयं उगु पौ दर्ता मयाःगु खः । डिभिजन कार्यालयं थःपिंत आधिकारिक निकायपाखे पौ वयेमाःगु धासैं कार्यालयं अदालतया आदेश मकाःगु खः ।

तर अधिवक्ता वज्राचार्य धाःसा डिभिजन कार्यालयय् सुचं थ्यनेधुंकाः नं डोजोर छ्यलाः छँ थुनेगु ज्या गलत जूगु खँ धयादीगु दु ।

नेवाः पत्रकार....

नेतृत्वय् संस्थापक नाथः श्रीकृष्ण महर्जन व पुलांम्ह नाथः सुरजवीर बज्राचार्य दुजः दुगु निर्वाचन समिति तकं नीस्वंगु दु । थुगु निर्वाचन समितिं प्रदेश व जिल्लाया अधिवेशनय् नेतृत्व ल्ययेगु निंतिं ज्या याइ ।

तःमुँज्या न्ह्यः जिल्लाया अधिवेशन फागुन ५ गते तकया दुने यायेगु खँ क्वःछिउगु दु ।

थुगुसी पत्रकार दबूया न्याक्वःगु तःमुँज्या गोर्खा जिल्लाय् यायेगु निंतिं प्रस्ताव वःगु खःसा थाय् या बारे स्थलगत अवलोकन नापं सम्बन्धित थाय्थापिं पत्रकारलिसे सहलह लिपा क्वःछीगु भाला केन्द्रीय सचिवालययात बिउगु दु ।



भर्ना चाल

नेपालभाषा M.A.

नेपालभाषा M.A. ब्वनादिसैं । ब्वंकादिसैं ।

नां दुतिना	स्वापू
नेसं ११४६ थिंलागा ९ तक (२०८२ मंसिर २७ गतेतक)	डा. राजनलाल जोशी ९८४३६१७६१९
निदुगं दस्तुर	जीवनकुमार महर्जन ९८४१७९७०३८
नेसं १९४६ थिंलागा १४ तक (२०८२ पौष ३ गतेतक)	दिपक संजेल ९८५१०९१५१७

त्रिवि, नेपालभाषा केन्द्रीय विभाग

पाटन संयुक्त क्याम्पस परिसर, यलध्वाखा, यल

छुं नं विषयलय् स्नातक यानादीधुंकूपिन्सं नां दुतिने फइ ।

निक्वःगु न्यू जेनिथ दिवस क्वचाल



सांस्कृतिक ज्याइवःयालिसें विज्ञान व रोबोटिक प्रदर्शनी, सृजनशील कला प्रदर्शनी, थीथी मनोरञ्जनात्मक कासा भिहतकूगु खः ।

ज्याइवल्यु मेरो डान्स यूनिभर्सया फस्ट रनर अप सितु महर्जन, द अल्लारेज ब्याण्डया विशेष प्रस्तुति दुगु खः । थुकथं हे वि.सं. २०८३ या निर्मित स्कलरशीप लटरी न चायेकूगु खः । निक्वःगु न्यू जेनिथ डेया इवल्यु न्याद्वलं मल्याक मनूतय्सं स्कूल भिजिट याःगु खः ।

लहना वाःपौ/यें महानगरपालिका १८ वडाया च्वंगु न्यू जेनिथ इन्जलिस मोडल स्कूल स्थापना दिवसया लसताय वंगु शनिवाः निक्वःगु न्यू जेनिथ दिवस (डे) तःजिक हनेज्या याःगु दु ।

यें मनपा १८ वडाया नायःलिसें म्ये च्वमि, कलाकार न्हुछेकाजी महर्जनया मूपाहोंसुइ जूगु ज्याइवल्यु ब्वनेकुथिया संस्थापक प्रिन्सिपल राजु महर्जन, जेनिथ स्कूलया प्रिन्सिपल पुष्प श्रेष्ठलिसेंया ब्वति दुगु खः ।

न्यू जेनिथ डेया लसताय थीथी



यल महानगरपालिका ५ वडाया ग्वसालय आइतवाः 'प्रविधियात पाय छि कथं छ्यले, लैंगिक हिंसा अन्त्य याये' धइगु नारालिसें जूगु लैङ्गिक हिंसा सम्बन्धी जनचेतना मूलक प्रभातफेरी ज्याइवः । किपा : सामाजिक सञ्जाल



यल महानगरपालिका १६ वडा व नेपाल हस्तकला महासंघया समन्वयल्यु यलया लायकुलिइ २०८२ मंसिर १७ निसें २१ गतेतक जूगु क्राफ्ट एण्ड कल्चरल फेस्टिबल २०२५ या उलेज्या । किपा : सामाजिक संजाल



सूचना ! सूचना !! सूचना !!!

जन्म दर्ता बालबालिकाको पहिलो अधिकार हो ।

जन्म दर्ता, मृत्यु दर्ता, विवाह दर्ता, बसाइ-सराइ र सम्बन्ध विच्छेद जस्ता व्यक्तिगत घटनालाई घटना घटेको ३५ दिन भित्र निःशुल्क दर्ता गरौं ।

प्रशासनिक झन्झटबाट बचाउँ ॥



चन्द्रागिरि नगरपालिका

वलम्बु, काठमाडौं

बालअधिकारको रक्षा गरौं ।

- माया, ममता, संक्षण, स्वास्थ्य वातावरण, उचित पोषण, शिक्षा, मनोरञ्जन र विकासको अवसर पाउनु प्रत्येक बालबालिकाको अधिकार हो,
- बालअधिकारको रक्षा गरौं,
- बालबालिकाको जन्मदर्ता अनिवार्य गरौं,
- शोषण, दुर्व्यवहार र बालश्रमबाट बालबालिकालाई बचाऔं,
- घर, विद्यालय र समाजमा सुरक्षित र प्रेमपूर्ण वातावरण बनाऔं,
- बालअधिकारप्रति संवेदनशील बनौं,
- बालबालिकाको सर्वोत्तम हितलाई ध्यान दिऔं ।

बालअधिकार सुनिश्चित गरौं,

उज्ज्वल भविष्यको निर्माण गरौं ।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शलभ स्वास्थ्य सेवा सकसिया त्रिति, असहायता त्रिति जक निःशुल्क"

उपलब्ध सेवा	शल्यक्रिया	अतिरिक्त सेवा	मेमिभु सेवा
- इमरजेन्सी - प्याथोलोजी - एक्स रे - ई.सी.जी. - बीषधि परख - जनसंरक्षण सेवा - सिटी स्नयान	- गोतिविन् - ज्वरक वंढी - माक काव घाटी सम्बन्ध - हाडगोली तथा मस सम्बन्ध - बिना विरधार पिसाक नतीको पन्वर सम्बन्ध	- मुटु रोग - पेट रोग - मुटुगोली - स्त्री रोग - बाल रोग - ज्वरक रोग - गल रोग - अर्वा रोग - ज्वरक मेडिसिन - खम तथा घात रोग - माक काव घाटी रोग - ज्वरक हन्त जक अण - बाइरोइड - मधुमेह	- ड्रेसिङ - इण्डोस्कोपी - कोलोन्स्कोपी - किजिप्रीथरापी - ब्रुजाइफ्ट, क्लर् टनर र इको - इरोपीनी स्तरको इन्ज प्रयोगवाला - टि.एम.टि. हस्टर

२४ घण्टा इमरजेन्सी सेवा

७०६ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९